



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS;

*manè discutienda in Scholis Medicorum die Martis vigesima-octava
Martii M. DCC. XLI.*

M. PETRO-JOANNE BURETTE, Regis Consiliario,
Medico & Sub-Bibliothecario, in Regio Franciæ Collegio Le-
ctore & Professore, è Regiâ Inscriptionum & humaniorum li-
terarum Academiâ, Regio librorum Censore, Doctore Medico,
Præfide.

An siccus Aër humido salubrior?

I.



ER, ut vitæ, sic & sanitatis morbotumque præcipuus auctor,
Corpus est fluidum, pellucidum, grave, densari & resilire ap-
tum, nulli sensuum, præterquam auditui tactuique, obvium. Ex
duplici partium genere potissimum coalescere videtur: aliis cras-
sioribus, tenuioribus aliis. Crassiores, non modò effluviarum ab
omnigenis ferè corporibus jugiter dimanantium proventus; sed
corpuseulorum præsertim peculiari textu & figurâ primo rerum ortu conditô-
rum *organis*. Tenuiores motu velocissimo raptæ, crassioribus vim disfluendi
lumenque transmittendi impertuntur. Extrusâ illâ tenuiori substantiâ è crasso-
ris meatibus, Aër cogitur in angustum. Quantum autem hîc possit comprimi,

eo dicitur, quod novæ catapultæ πνευματικῆς artificio, ad vicissimam sui spatii partem adigatur. Ab intestinâ subtilioris partis agitatione, nec-non apertioris figuratione, in Aëre vis resiliendi; quæ non, ut in cæteris ἰατρικῇ deteritur; cuiusque immensa prope efficacia mirum in modum elucescit vesicâ ferè inani, vacuo *Boyliano* impositâ, quæ Aëris intus coërciti rarefactique nifu, vel pondo quinquaginta & amplius attollit. Ab Aëris ἀναπνεύσει, & materiæ cuiusdam subtilissimæ à centro recedere conantis motu, Aëris gravitas vulgò dicta. Ab Aëris gravitate, effectus omnes perperam vacui fugæ adscribi soliti. Aër non unius facultatis. Diversa illius indoles à vario ejusdem motu, & ascititiis à terraquo globo expirationibus. Hinc modò *gravior* est, modò *levior*: hic subtilis, illic densus & concretus: alias calidus, frigidus alias: nunc siccandi, nunc madefaciendi potestate præditus. Ingenio proclivior ad siccandum, quatenus partium figurâ & concitatione, corporum, quæ præterlabitur, humoris abstergere idoneus; nimio guttularum aquearum alteriusve naturæ interjectu, humidus evadit. Nec ejusdem pondus ex halituum confertorum copiâ dimittit par est: hoc enim, flante Boreâ, majus; Austro spirante, minuitur, βαρύτερον teste. Unde colligere est, in Aëre vim resiliendi sudâ siccâque tempestate, roborari, humidâ & nebulosâ resolvi.

I I.

QUANTÆ sit ad viam necessitatis Aër, vel qui spirare semel incœpit novit, illius usurâ impune carere nequeunt, quæcumque vitæ munere fruuntur. Eum, non modò perfectissima quæque Animalium ducunt; sed & ea, quæ duntaxat inchoata videantur, Insecta, Conchylia, Fœtus utero vel ovo conclusi. Quidni & Plantæ? Natura siquidem propria singulis fabricavit organa, quibus illum intra se excipiant. Plantis & insectis tubulos *Τραχηόν* cognomine insignitos, Piscibus Branchias, reliquis Animantibus Pulmones in eum usum concessit. Respirationis modus ubique mirabilis, in Homine, ut in Brutorum plerisque, reciprocatone quadam continetur; foris intrò, intus foras. Admittitur Aër, pectore dilatato. Dilatatur pectus costarum utriusque & ordinis & lateris ascensu, sepi-transversi descensu. Attolluntur costæ musculorum *μυοπλευρίων* externorum internorumque obliquâ contractione, ob decussatas illorum fibras idem præstante, quod musculi directò trahentis actio. Deprimitur septum-transversum, fibris gemini, ex quo compactum est, musculi à centro nervoso ad ambitum retractis. Ampliatâ pectoris capacitate, Aër vi suâ resiliendi compulsus, non attractus, per guttur in pulmones irrumpit, quos milde canalibus & vesiculis excavatos distendit inflatque: Expellitur idem, pectore arctato. Arctatur pectus costarum descensu, sepi-transversi ascensu. Costæ concidunt ingenito suarum partium renixu, quo, cessantibus musculis, à quibus per vim fuerant sublata, pristinum statum redipiscuntur. Sursùm redit septum-transversum, remisso ipsius nifu, partim à dissepimento, cui firmiter adhærescit, resilienti revocatum, partim ab infimis visceribus sese explicantibus repulsum. Eorum omnium rationem adjuvat abdominis musculorum & pulmonis fibrarum contractio, sicubi Animal vehementiori indigeat expiratione. Sic angustato pectore, Aëris portio è pulmonum vesiculis in *σπλῆνα*, ex his in asperam arteriam, ex asperâ arteriâ foras eliditur.

I I I.

TAM stupendo instrumentorum apparatu Aër non ad temperandum cordis æstum, aut ventilandam flammam vitalem, in pulmones derivatur. Non, ad sanandis fulgines excutiendas. Non, ad refrigerandum conspissandumve sanguinem, cordis igne prius rarefactum; quò facilius in altero ejusdem vis-

ceris foco iterum ebulliat. Quis igitur tantus hausti Aëris ad vitam usus? Sanguinis circuitum, à quo vita, promovet; quatenus eum liquorem attenuat, propellit ac fervefacit. Pulmonum enim folliculos distendens, purpureum latitatem à corde submissum, & in impeditis arteriæ venarque *πνευματικῶν* ambagibus moras necentem, atterit, dissolvit, ejusque reditum ad cor accelerat. Sed & eidem resiliens eas largitur particulas, quibus ipse sortus est, quibusque orbat, Animalium vitæ sustinendæ par esse nequit. Harum tremulâ & reciproâ motione, inæquali corporum incumbendum pondere usque productâ, sanguis incitatus, effervesceat; blandum illum concipit calorem, cujus extinctio, mors; cunctisque vitæ muniis ritè obeundis aptissimus evadit. Dùm autem superficies, motus & coaptio partium ejus hoc novo commeatu immutantur, coccineum induit colorem, quo perfusus conspicitur, ut ad sinistram cordis sinum refluat. Ex prædictis, explanari potest, Cur in Aëre sæpius expirato, vel rariori, quàm par est, spiritus gravis & angor: Cur ab eodem nimium condensato, vel densius intra pulmones coarctato, suffocationis periculum: Cur in laborioso concitatove musculorum conatu, spiritus ad tempus cohibeatur, deinceps cum anhelitu ducendus. Nec solâ respiratione Animantium corpus Aër afficit; verum & suo ad reliquas illius partes, cum externas, tum internas, appulsu. Alimentis permixtus deglutitur, ad *ζωόνοτον* negotium non futuris inutilis. Corporis ambitum æquabiliter ab omni parte comprimendo, per eam regionem cruoris periodum provehit. Quin & sensuum nonnullis famulatur. Secum enim odores ad nasum lamellas defert. Auris præterea labyrinthum intimè pervadens, tympani extrinsecus variè verberati modulationes excipit, quas diligenter principi auditus organo representet.

I V.

CUM ea sit Aërem inter & solidas fluidasque Animantium partes necessitudo; non mirum, si pro variis, quibus instruitur ille, virtutibus, functiones & spiritales & corporeæ, quæ ferè omnes à solidorum fluidorumque texturâ & motu pendunt, tot & tantas subeant mutationes. Hinc diversitas in temperamentis, studiis & moribus Gentium, non modò quæ à sese invicem longissimo terrarum tractu sejunguntur, sed & quæ degunt vicinæ, maximè repetenda. Hinc aliæ ingenii acumine, aliæ tarditate insignes audiunt. Hinc sæpius idem homo in eadem regione modò tristis & severus, modò hilaris: nunc prosperâ, nunc adversâ valetudine utitur. Porro illam fover Aëris constitutio sicca: hanc humida arcessit. Siccus Aër, utpotè vegetior ad resiliendum, corporis totius fibras obfirmat, meatus aperit, humorem superfluum exhaurit; indeque fermenta exacuuntur, dejecta suscitatur appetentia, cibi optimè concipiuntur & distribuuntur. Eadem de causâ celeriter nulloque negotio in pulmones devolutus, implicitos eorum anfractus penetrat & recludit: sanguinem potenter urget, illincque extricat; & eam illi partium *ἐκφυσιον* vim sufficit, quæ debito calori luculenter intra eundem accendendo sit satis. Hinc spiritus lucidiores à cerebro in univèrsam ipsius regimen irradiant. Ab his animus ad sua munera promptior & alacrior. Ab his, ut à servato fibrarum tonno, expeditior movendi, exquisitior sentiendi facultas. Uno verbo, benè temperatam cæli siccitatem cunctarum vitæ actionum integritas comitatur.

V.

HUMIDUS Aër è contrario, quàm sit valetudini noxius, facile quivis, perspectâ illius naturâ, intelligat. Corpori gravitatem inducit: hoc enim eo gravius quò ille levior. In pulmones ægrè delabitur. Ibi stagnans & cunctantem sanguinem segniter ad absolvendam circulationem stimulat: Unde laboria-

4

sa respiratio; & anhelantium, humido cœlo, angustia. In pulmone sanguini admixtus, ejusdem ζύματος vix ac ne vix quidem ciet, cùm ob aquearum copiam, tùm ob resilientium partium inopiam. A sanguine malè fermentato, spiritus effert. Hinc, ut à corruptâ humidâ Aëris allapsu fibrarum nativâ tensione, sensuum oritur imbecillitas & inertia. Oculorum acies hebetatur, Auditus ingravescit, non minùs Aëris torpentis & ad argutum sonum inepti, quàm ipsiusmet organi vitio. Perit naris emunctæ sagacitas. Universi corporis vires enervatæ fatiscunt. Animus quoque unâ prægravatus, in tristitiam fit propensior. Quin & obturatis ab humidâ colluvie cutis spiraculis, insensibilis transpiratio non leviter præpeditur. Obtunditur interea latentium intùs fermentorum vigor. Hinc manca & imperfecta ciborum dissolutio sanguini jam languido tenuè subsidium parat. Sic debilitatâ sensim liquorum agitatione, & laxato fibrarum contextu, multi, iique ut plurimum contumaces ingruant morbi, necesse est: Catarrhi, Gravedines, Raucitates, Febres diuturnæ, Alvi-fluxus, Putredines, Apoplexiæ, Comitiales affectus, Anginæ, & similes, quibus humidâ plerumquè tempestate corpus jactatur. Quicumque igitur aliquam suæ sanitatis rationem duxerit, is utiquè siccum & sincerum Aërem, in locis mediocriter & editis & insolatis, aurâ luavi perflatis, sectetur: Humidum verò, qualem efficere solent Austrina constitutio, maris fluminumve majorum vicinia, solùm stagnis paludibusque scatens, humile, collibus undique obseptum, minusque à Sole collustratum, omni ope & industriâ declinet. Eo pacto immunem à morbis quamplurimis atatem peragens, egregias sicci Aëris dotes secum reputabit, lubentique cum Divino Senè colliget,

Ergò siccus Aër humido salubrior.

Proponebat Parisiis NATALIS-MARIA DE GEVIGLAND,
Parisiinus, Baccalaureus Medicus, A. R. S. H. 1741,
à sextâ ad meridiem,